

增補武林舊事

康熙癸未年重鐫

忠烈公朱中白先生增補

增補武林舊事

古單父寧澹堂藏板

增補武林舊事序



武林爲東南都會顯於唐盛於  
宋人文秀出山水清麗物產殷  
富天下莫與埒也翠華南遷仁  
和駐蹕延祚百五十餘年雖偏

增補武林舊事序

一

安一隅乎非若金陵六代旦暮  
易姓使王氣常收者比厥後獨  
松闌入厓山胥淪說者盡咎湖  
山謂尤物惑人甚於西子噫亦  
太過矣夫虎踞龍蟠不爲芳樂

臨春分謗顧欲以鳳山鷲嶺代  
趙宋府宰將置賊臣闇主何地  
哉矧茂陵在御絕游幸務節儉  
遠邇安晏櫂歌一曲寄在康衢  
則武林猶是盤庚之偃師周武

增補武林舊事序

二

之鎬洛也余司權至此朱幼晉  
先生以四水潛夫所著舊事見  
貽暇時按籍披尋覺湖山之美  
逾于昔聞而繁侈之風競勝未  
已然眡舊事所紀昔猶江海此

僅涓勺昔猶京坻此僅稊粒也  
昔馬卿虛詞歸引節儉風勸之  
旨猶存潛夫從容鞮譯之朝絕  
無亡國之戚豈以陋僿爲耻故  
津津其言乎余長夏苦熱憇古

增補武林舊事序

三

梅臨奇石徧簡湖山諸志始知  
潛夫所載尚有闕畧偶爲增補  
數十則友輩讀而快之從與壽  
梓雖續貂可嗤飾蛾多事然補  
入詩什以存風流末志災傷使

知靡侈過甚足招天譴有汴京  
之樂卽有靖康之悲有武林之  
侈卽有厓山之變運若循環後  
人不昧此理持以節儉使武林  
常爲樂邦可也舊止六卷今益

增補武林舊事序

四

爲八郎仁寶謂四水潛夫卽著  
癸辛雜識之周公謹別號弁陽  
老人集中往往見之今直著其  
名不欲使子虛無是徒爲後人  
疑揣耳

崇禎下丑立冬日

賜進士第工部都水清吏司主

事奉

勅督理杭州關務古單父朱廷

煥撰

增補武林舊事序

五



武林舊事原敘

□郡地卑隘不可以國宋高宗南播樂其湖山之秀物產之美遂建都焉傳五帝享國百二十有餘季雖曰偏安其制度禮文猶足以彷彿東京之盛可恨者當時之君臣忘君父之讐而沉酣于湖山之樂竟使中原不復九廟爲墟數百載之下讀此書者不能不爲之興歎書凡六卷四水潛夫輯潛夫亦不知爲誰其紀武林之事較他書爲備因命工刊置郡庠俾博雅者有攷焉武林杭郡名

武林舊事原敘

一

正德戊寅孟夏巡按浙江監察御史奉天宋廷佐謹題

武林舊事原敘

夫省方觀民因俗考政固所以資監戒而志興衰者也有宋播遷江左建國錢唐當時臣辟謂宜枕戈嘗膽脩政治兵以復君父之讐雪中原之耻惟恐後可也顧乃宴安槃樂日事嬉遊峻宇雕墻窮極嗜欲更不知有二帝蒙塵不共戴天之憾此軋坤何等時也何暇於流連光景沉酣節序者哉昔人稱魯衛大綱予亦謂南宋之大綱厥亦有在乃棄而不講馴致民風國體日以陵夷迄於崖山之溺可痛也四水潛夫

武林舊事原敘

二

不知其何許人編錄是書聿聿然若道其一時之盛者予意是編當與吳越春秋並觀則前大巡宋公所以存而刻之之意與予所以繇觀感而興監戒者當自得之矣舊梓漫蕪不可讀因而翻刻之云

嘉靖三十九年歲在庚申秋七月十六日杭州府知府閩中陳柯謹書

重刻增補武林舊事叙

吾邑朱忠烈公先生殉節天雄列傳國史孤忠亮節如日星河嶽炳暉流峙自足千古固無藉於區區文翰之傳也然吾觀魯公爭座一帖雖經傳摹後之人猶于點畫波磔之間想見其忠義鬱薄之氣設鴻章鉅義有關於天下國家者其慨想又何如也昔李文叔作洛陽名園記不過曰洛陽之盛衰天下治亂之候一語耳初非動容相戒諄諄提命之詞也而史臣取之既特載于文苑又從而贊其知言故迄今傳誦

增補武林舊事叙

一

于不衰矧夫憂盛危明言於數十年之前而效於數十年之後若合符節如先生增補武林舊事一書其叙曰侈靡過甚足招天譴有汴京之樂卽有靖康之悲有武林之侈卽有厓山之變運若循環後人持以節儉使武林常爲樂邦數語較諸文叔不知孰爲伯仲竊思是書雖不同于魯公之釵脚屋漏然而或增或補要皆先生之筆則筆削則削忠肝義胆流露而誠著者也則是書所在當必有發爲光怪陸離與日月爭明河嶽爭靈者矣但不知他日史氏抑或有取

于是焉否也然取與不取總無足爲先生輕重茲者  
先生仲器武林氏重梓而世守之雖武林繼述之善  
負荷之能而揚先蹟于勿替吾知是書將與先生之  
史傳並垂不朽矣敬叙

康熙甲申仲春同邑後學黃垓十經氏題於般陽官  
舍



增補武林舊事 叙

二

重刻增補武林舊事紀言



記云父歿而不能讀父之書手澤存焉耳至若  
弓冶箕裘之喻肯堂肯構之說皆昔人孝思所  
寄欲衍繼述於勿者自後世風俗漓而人心變  
親歿未幾卽營營焉多擇資田私貽子孫反置  
前徽於弗問俾先人嘉蹟懿行或湮沒不傳而  
陟降於庭不幾時怨時恫與每見秉禮之家席  
豐盛馳聲譽夙命賢豪顧乃不考故帙而揚先  
烈得無撫遺書而心惻乎此蘓老泉作族譜亭

增補武林舊事

紀言

一

記輾轉借斯人以致傲也余生也晚

先忠烈殉節天雄余方九齡孩提無知未克從難荷  
先恭人慈訓從事師友勉自策勵但未蒙過庭之訓  
而先人手澤千百中止聞什一耳迨  
先恭人見背多事傷心瘋憂莫告實命不猶日益放  
廢自愧謏劣無能徒哀罔極而已曩鐫盡節錄  
之後又輯刻

先忠烈遺稿內有增補武林舊事一叙而全書未覩  
時切悲悚每訪之故舊或曰板畱杭郡或曰書

久散軼壬午秋於仲姪處得見全集捧讀之下  
如獲宗器竊思

先忠烈增補壽梓之深心與夫憂盛危明之微旨雖  
百世可考而知寧待叩於九原而始知爲厚風  
俗正人心之計也耶余小子仰體先志依式重  
梓未敢一字增減亦未敢一字粉飾倘久而漫  
蕪賢子孫剝削而世守之俾先人遺書永傳百  
代是余之厚望也夫昔

先忠烈蒞杭之三日誕余於權署而此書亦刻於權

增補武林舊事

紀言

二

署重梓固余事也敢曰繼述云乎哉  
皆

皇清康熙四十三年歲次甲申夏六月不肖仲男纁  
沐手識於澹寧堂



增補武林舊事

訂閱

朱謀臧幼晉

錢受益謙之

吳本泰美子

張懋忠無功

龔五諤華茂

方杰子凡

陸運昌夢鶴

李桐封若

劉士鏘羽石

周兆斗朗垣

洪吉臣載之

施昶營方

許文岐我西

朱天璧子玄

增補武林舊事

姓氏

一

金汝礪用叔

錢喜起賡明

徐灝大津

張玄天生

沈應節漢卿

俞時篤企延

較閱

張墉石宗

沈鼎新白玉

增補武林舊事目錄

卷第一

慶壽冊寶

四孟駕出

大禮

補南二郊明堂

登門肆赦

補一條

恭謝

聖節

補八條

卷第二

睿藻

增計五條

御教

御教儀衛次第

補一條

燕射

公主下降

補一條

唱名

補三條

恩澤

增計四條

元正

立春

元夕

補一條

舞隊

增補武林舊事目錄

一

燈品

挑菜

進茶

補一條

賞花

補二條

卷第三

西湖遊幸

補都十人遊賞

放春

社會

補一條

祭掃

補一條

浴佛

迎新

端午

補一條

禁中納涼

都人避暑

乞巧

中元

補一條

中秋

觀潮

補八條

重九

補一條

開爐

補二條

冬至

補一條

賞雪

歲除 補一條 歲晚節物 補一條

卷第四

故都宮殿 補十一條

卷第五

乾淳教坊樂部 補五條

卷第六

湖山勝槩上 南山孤山 補九條

卷第七

湖山勝槩下 北山吳山 補二十三條

增補武林舊事目錄 二

卷第八

諸市 瓦子勾欄 酒樓

歌館 補十四條 賃物 作坊

驕民 游手 湖產 增一條

市食 諸色酒名 小經紀

諸色伎藝人 補九條 災異 增四條

增補武林舊事目錄終

增補武林舊事卷之一

元四水潛夫弁陽周 密公謹編輯

明冬官權使單父朱廷煥中白增補

仲男 纁重鐫

慶壽冊寶

壽皇聖孝冠絕古今承顏兩宮以天下養一時盛事莫大於慶壽之典今摭錄大畧於此  
淳熙三年光堯聖壽七十預於舊歲冬至加上兩宮尊號立春日行慶壽禮至十三年太上八十正月元

增補武林舊事

卷一

一

日再舉慶典其日文武百僚集大慶殿各服朝服用法駕五百三十四人大樂四十八架正樂一百八十八人及列儀仗鼓吹於殿門外上服通天冠絳紗袍執大圭恭行冊寶之禮禮儀使以下皆導從上乘輦從至德壽宮俟太上升御座宮架樂作皇帝北向再拜奏起居致詞曰臣某稽首言伏惟聖號太上皇帝陛下壽同天永德與日新典冊揚徽華夷賴慶左相宣答曰聖號太上皇帝聖旨皇帝迎陽展采縷牒榮親何幸吾身屢觀盛事次皇太子以下稱賀致詞宣

答訖竝再拜舞蹈禮畢次詣太上皇后殿行禮如前  
候解嚴訖皇帝入宮進奉禮物行人禮御宴極歡  
自皇帝以至羣臣禁衛吏卒往來皆簪花後三日百  
官拜表稱賀於文德殿四方快覩盛事都民垂白之  
老喜極有至泣下者 楊誠齋詩云長樂宮前望翠  
華玉皇來賀太皇家青天白日仍飛雪錯認東風轉  
柳花 春色何須羯鼓催君王元日領春回牡丹芍  
藥薔薇朶都向千官帽上開 任斯菴詩云金爵觚  
稜曉日開三朝喜氣一時回聖人先御紅鸞扇天子

增補武林舊事

卷一

二

龍輿萬騎來 霜曉君王出問安寶香隨輦護朝寒  
五雲深處三宮宴九奏聲中二聖歡

四孟駕出

先期禁衛所及閤門牒臨安府約束居民不許登高  
衩袒觀看男子並令衫帶婦人裙背仍先一日封閉  
樓門取責知委不許容留來歷不明之人殿步三司  
各撥統制將官軍兵六千二百人擺齷諸巷大禮則  
倍此數  
至日五鼓地分頭項沿門驅逐雜人外儀衛節次如  
後

地分約攔 諸廂約攔 緝捕使臣

都轄官約攔 軍器庫從物 內藏庫從物

御酒庫從物 御廚從物 祇候庫從物

騏驥院御馬 御藥院藥架 引從舍人行兩

諸司庫務官 搜視行宮司 行宮殿門

控攏親從 五百十人 前驅親從 二十一人

贊喝舍人 八人 各

天武 兩行內各八人 都下親從 兩居內各八人

駕頭 閣門祇候 引主駕首 五人行各

增補武林舊事 卷一 三

閣門提點 兩行 御史臺知班 兩行 尚書省錄事

密院副 旨 珠子御座 院馬御馬 座 喝御

閣門簿書 兩行 宣贊舍人 兩行 茶酒班

環衛官 帶御器械 攔前等

輦官人員 逍遙輦 六輦 官十 御輦院官

閣門承受 兩行 御燎子頭籠 翰林司官

御絲鞋所 御服所 御座馬 兩行 十足

馬院總管 御軍器庫 睿思殿庫

閣子庫 閣門覺察官 兩行 長入祇候 兩行 十六各

人 茶酒班殿侍一各三十

快行親從二各三十

殿前指揮使一兩人行各三十

人執從 編排禁衛行子三十往來編人排於

等子人員十將兩行各四 御龍直人共執八從十物二

內居 知閣門事圍乘子馬內行

步帥圍乘子馬內行 親從方圍子百兩四行各一人

圍子兩邊各四重 第一重下內殿邊直各已

人一百 第二重邊崇各政一殿百圍子兩

增補武林舊事 卷一 四

第三重各御一龍百直人兩邊 第四重子崇兩政邊殿各圍

人一百 水手并戲捕等子五兩邊各

攔前崇政殿親從人十七 殿帥子乘內騎中行道圍

主管禁衛所內等子五兩邊居各外二十

中道語第口二號日等并叅謝教坊樂部於人此迎駕立念致

快行親從三兩十邊人各 塵斧拂子

水晶骨朶 香毬二 打燭快行回兩不行用駕

編排官人二 執燈籠親從至兩 衆安橋去十燭四人回列

行先 行門十兩二行人各 當食官

聽宣官

輦官人員

平輦

輦官一人

黃羅御繖二

黃羅御扇二

挾輦御藥

帶插外御帶

帶插閣下官

閣門覺察舍人

攔後圍子

挾輦指揮使一名

二十人

輦後樂

東西兩班各三十人第一日不作

天武

兩行各入居外

都下親從

兩行人各八

扇篋

挾輦內殿直

各二十二人

宰臣

使相

執政

宰執後約攔親從

各二十二人

閣門覺察宣贊舍人

增補武林舊事

卷一

五

侍從後約攔親從

各二十二人

從駕臣僚分東西

班

東班繫尚書侍郎兩制等官西班繫正任宗室遙郡

車駕所經諸百官司皆結綵門迎駕起居俟駕頭

將至知班行門喝班到排立次喝躬身拜再拜回駕

不拜值雨免拜

班首奏聖躬萬福唱喏直身立

齟巷軍兵則呼萬歲

大禮

南郊明堂二條

三歲一郊預於元日降詔以冬至有事於南郊或用

次年元日行事

明堂止於半年前降詔用是歲季秋上甲日

先於五六月

內擇日命帥漕及脩內司脩飾郊壇及絞縛青城齋

殿等屋凡數百間悉覆以葦席護以青布拜差官兵脩築泥路自太廟至泰裡門又自嘉會門至麗正門計九里三百二十步明堂止自太廟至麗正門皆以潮沙填築其平如席以便五輅之往來每隊各有歌頭以綵旗爲號唱和杵歌等曲以相兩街居民各以綵段錢酒爲犒又命象院教象前導朱旗以二金三鼓爲節各有幘頭紫衣蠻奴乘之手執短鐮旋轉跪起悉如人意市井因競市繪塑小象以饋遺四方又以車五乘壓以鐵多至萬斤與輅輕重適等以觀疾徐傾側之勢

增補武林舊事

卷一

六

前一月進呈謂之閃試駕出前一日縛大綵屋於太廟前置輅其中許都人觀瞻前一月以來次第按試習儀殆無虛日郊前十日執事陪祀等官並受誓戒於尚書省宗室赴太廟受誓戒前三日百官奏請皇帝致齋于大慶殿是日上服通天冠絳紗袍結佩陞高座侍中奏請降座就齋室次日車駕詣景靈宮服袞冕行禮儀從並同四孟禮畢駕回就赴太廟齋殿宿齋是夕四鼓上服袞冕詣祖宗諸室行朝饗之禮是夜鹵簿儀仗軍兵於御路兩傍分列間以糝盆蕢燭自太廟直至

郊壇泰禋門輝映如晝宰執親王貴家巨室列幕櫺  
比皆不遠千里不憚重費預定於數月之前至期猶  
爲有力所奪珠翠錦繡絢爛於二十里間雖寸地不  
容閒也歌舞遊遨工藝百物輻輳爭售通宵駢闐至  
五更則爨稍先驅所至皆滅燈火蓋清道祓除之義  
黎明上御玉輅從以四輅金象革木導以馴象千官百司  
法駕儀仗錦繡雜遝蓋十倍孟饗之數聲容文物不  
可盡述次第出嘉會門至青城宿齋明堂側徑入麗正門齋殿齋宿  
四壁皆三衙諸軍周廬坐甲軍幕旌旗布列前後傳

增補武林舊事

卷一

七

呼唱號列燭互巡往來如織行宮至暮則嚴更警惕  
太廟齋宿亦然鼓角轟振又有衛士十餘隊每隊十餘人互  
喝云是與不是衆應曰是又喝曰是甚人衆應曰殿  
前都指揮使某人謂之喝探至三鼓執事陪祀官並  
入就黃壇排立萬燈輝耀粲若列星凡齷燈皆自爲  
誌號如捧俎官則畫一人爲捧俎之狀蓋燈多不容  
不以此辯認亦有好奇可笑者用丑時一刻行事至  
期上服通天冠絳紗袍乘輦至大次禮部侍郎奏中  
嚴外辯禮儀使奏請皇帝行事上服袞冕步至小次

升自午階。天步所臨，皆藉以黃羅，謂之黃道。中貴一人，以大金合貯片腦，迎前撒之。禮儀使前導，殿中監進大圭，至版位。禮直官奏有司，謹具請行事。宮架樂皆上進，作止。時壇壇內外，凡數萬衆，皆肅然無譁。天風時送，佩環韶濩之音，真如九天吹下也。太社令升煙燔牲首。上先詣昊天位，次皇地祇，次祖宗位，奠玉祭酒，讀冊。文武二舞，次亞終，獻行禮畢。上詣飲福位，爵飲福酒。樂登作歌。禮直官喝賜胙。次送神，次望燎，訖。禮儀使奏禮畢。上還大次更衣，乘輦還齋宮，百僚追班賀禮。

增補武林舊事

卷一

八

成於端誠殿黎明，上乘大安輦，從以五輅進發。教坊排立，奏念致語，口號訖，樂作。諸軍隊伍，亦次第鼓吹。振作千乘萬騎，如雲奔潮涌。四方萬姓，如鱗次蟻聚。迤邐入麗正門，教坊排立，再奏致語，口號舞畢，降輦。小憩，以俟。辯嚴登門肆赦。弁陽老人有詩云：黃道宮羅瑞腦香，袞袍升降佩鏘鏘。大安輦奏乾安曲，萬點明星簇紫皇。萬騎雲從簇錦圍，內官排立馬如飛。九重闐闐開清曉，太母登樓望駕歸。李鶴田詩云：嚴更頻報夜何其，萬甲聲傳遠近隨。梔子燈前紅

炯炯大安輦上赴壇時。

郊壇天盤至地高三丈二尺四寸通七十二級分  
四成上廣七丈共十二階分三十六龕午階濶  
一丈主上升降繇此階其餘各濶五尺  
圓壇之上止設昊天上帝皇地祇二神位及太祖  
太宗配天十六龕共祀五帝太一感生北極北  
斗及分祀衆星三百六十位  
仗用六千八百八十九人自太廟排列至青城  
玉輅下祇應人共三百二十一人

增補武林舊事

卷一

九

呵喝人員二人	教馬官二人
挾捧輪將軍四人	推輪車子官健
八人	駕士班直二百三十二人
千牛衛將軍二員	抱太常龍旗官
六員	職掌五人
專知官一名	
手分一名	庫子八人
裝掛匠二人	
諸作工匠十五人	蓋覆儀鸞司十
一人	監官三員
金象革木輅每輅下一百五十六人	

玉輅青飾 金輅黃飾 象輅紅飾

革輅淺色飾 木輅黑飾輅下有冠  
服並依輅色

玉輅前儀仗騎導

騎導官 左壁文臣 右壁武臣

六軍儀仗官兵二千二百三十二人

左右諸將軍十三員中道五員  
左右八員

金吾衛仗司

執爨稍八十人 扈將軍八員

仗下監門二十六員 鼓吹五百八十

增補武林舊事 卷一 十

三人 導駕樂人三百三十人

九月十五日明堂大禮十三日雨未時奏請宿齋十四日駕詣景靈宮回太廟宿齋雨不止午後太上遣提舉至太廟傳語官家連日祀事不易十六日詣宮飲福陰雨泥濘可免勞煩天氣陰寒請蚤進御膳頻添御服上遣閣長回奏上感聖恩至日若登樓肆赦依舊詣宮行禮不登門時當奏聞晚雨不止宣諭大禮使趙雄來早更不乘輅止用逍遙輦詣文德殿齋一應儀仗排立並免放從駕官並常服以從併遣御

藥奏聞北內大禮使趙雄雖已得旨猶不許放仗上聞之曰來早若不晴時有何面目雄聞之曰縱使不晴得罪不過罷相耳堅執不肯放散至黃昏後雨止月明上大喜遣內侍李思恭宣諭趙雄仍舊乘輅再遣御藥奏聞北內天晴仍舊乘輅候登門訖詣宮行禮十五日晴色甚佳車駕自太廟乘輅還內日映御袍天顏甚喜都民皆讚嘆聖德至已時太上遣直閣官往齋殿傳語官家且喜清明可見誠心感格賜御用段疋至鞦轡七寶篋刀子事件素食果子等仍奏

增補武林舊事

卷一

十一

連日勞頓免行飲福禮上就遣知閣回奏上感聖恩天氣轉晴皆太上皇帝聖心感格容肆赦訖詣宮行禮併謝聖恩十六日登門肆赦畢車駕詣宮小次降輦提舉傳太上聖旨特減八拜仍免至壽聖處飲福行禮畢畧至絳華堂進泛索知閣張掄進臨江詞云聞道彤廷森寶仗霜風逐雨驅雲六龍扶輦下青冥香隨鬘扇遠日映赭袍明簾捲天街人頂戴滿城喜氣氤氳等閒散作八荒春祗知天意好昨夜月華

新西湖志餘

東都舊有青城齋宮。渡江後以幕屋絞縛爲之。每郊費緡錢十餘萬。淳熙末張杓爲京尹始議築齋宮。考一勞永逸。上從之。字文寶。學价時宿直。奏曰陛下。方經畧河南。今築青城於臨安。是無中原意也。上以爲然。亟命罷役。

朝野雜紀

登門肆赦

補一條

其日駕自文德殿詣麗正門御樓。教坊作樂迎導。叅軍色念致語。雜劇色念口號。至御幄降輦。門下閤門進中嚴外辯牌。訖御藥。喝捲簾。上出幄臨軒。門下鳴

增補武林舊事

卷一

十二

鞭宮架奏曲。簾捲扇開。樂止。撞石五鐘。黃繖纔出門。下宰臣已下。兩拜。分班立。門上中書令稱有敕。立金雞。門下侍郎應喏。宣奉敕。立金雞。雞竿一起。門上仙鶴童子捧赦書降下。閤門接置案上。太常寺擊鼓。鼓止。捧案至樓前。中心知閤稱宣付三省。參政跪受。捧制書出班跪。奏請付外施行。門上中書令承旨宣曰。制可。門下參政稱宣付三省。遂以制書授宰臣。跪受。訖。閤門提點開拆。授宣赦。舍人捧詣宣制位。起居舍人一員摘句讀。舍人稱有制。宰臣已下再拜。俟讀至。

咸赦除之。獄級奏脫枷訖。罪囚應喏。三呼萬歲。歌呼而出。候宣赦訖。門上舍人贊樞密及中書令曲賀兩拜。門下宣制舍人捧制書授宰臣。宰臣授刑部尚書。尚書授刑房錄事訖。歸班兩拜致詞。三舞蹈三叩頭。知閤稱有制。宰臣已下再拜。知閤宣答。云云若時大慶與卿等同之。又拜舞如前。門上中書令奏禮畢。扇合。宮架樂作。簾降樂止。撞左五鐘。門下禮部郎中奏解嚴。上還幄次。門下鳴鞭。舍人喝奉敕放仗。宰臣已下再拜退。次宣勞將士訖。乘輦歸內。至南宮門。教坊司迎駕。念致

增補武林舊事

卷一

十三

語口號如前。至文德殿降輦。舞畢退。弁陽翁詩云。換輦登門捲御簾。侍中承制舍人宣。鳳書乍脫金雞口。一派歡聲下九天。

金雞竿長五丈五尺。四面各百戲一人。緣索而上。謂之搶金雞。先到者得利物。呼萬歲。纈羅襖子一領。絹十疋。銀

碗一隻。重三兩。

諸州進奏院各有通鋪。腰鈴黃旗者數人。

俟宣敕訖。卽先發太平州。萬州。壽春府。取太平。萬壽之語。以次俱發。鈴聲滿道。都人競觀。

樓下排立次第

青龍白虎旗各一  
信旗二

方扇二  
方圓罕畢二  
幢四

劍二  
將軍二  
僧衆居左

道衆居右  
玉輅居中  
太常宮架樂

宣赦臺  
招拜紅旗  
擊鼓

三院罪囚獄級居左  
御馬六疋居

右  
宣制位居中  
橫門

快行  
承旨  
三省官已下

孝宗受禪赦文云。凡今者。發政施仁之日。皆得之間。

增補武林舊事 卷一 十四

安。視膳之餘。天下誦之。洪景嚴筆也。鶴林玉露

恭謝

大禮後擇日行恭謝禮。第一日駕出如四孟儀。詣景靈宮。天興殿。聖祖前行恭謝禮。次詣中殿。祖宗神御前行禮。還齋殿。進膳。訖。引宰臣已下。賜茶。茶畢。奏事。訖。還內。

第二日。上乘輦。自後殿門出。教坊都管已下。於祥曦殿南。迎駕起居。叅軍色念致語。雜劇色念口號。樂作。駕後樂東西班。則於和寧門外排立。後從作樂。將至。

太一宮道士率衆執威儀於萬壽觀前入圍子內迎  
駕起居作法事前導八太一宮門降輦候班齊詣靈  
休殿叅神次詣五福十神大一次詣申佑殿命本北辰  
殿通真殿佑順福殿太后延壽殿極南火德殿禮畢宣  
宰臣已下合赴坐官並簪花對御賜宴上服幘頭紅  
上蓋玉束帶不簪花教坊樂作前三盞用盤盞後二  
盞屈卮御筵畢百官侍衛吏卒等並賜簪花從駕縷  
翠滴金各競華麗望之如錦繡衙前樂都管已下三  
百人自新椿橋西中道排立迎駕念致語口號如前

增補武林舊事

卷一

十五

樂動滿路花至殿門起壽同天曲破舞畢退姜白  
石有詩云六軍文武浩如雲花簇頭冠樣樣新惟有  
至尊渾不戴盡將春色賜羣臣萬數簪花滿御街  
聖人先自景靈回不知後面花多少但見紅雲冉冉  
來是日皇后及內中車馬  
先還宮中呼后爲聖人

聖節

補八條

其日俟宰執奏事訖退班上坐垂拱殿先引樞密院  
并管軍官上壽東京併爲一日禮畢再坐紫宸殿上  
公已下分立候奏班齊上公詣御茶牀前躬進御酒

跪致詞云、文武百僚臣某等稽首言、天基令節名聖節、

換朝臣等不勝大慶、謹上千萬歲壽、下殿再拜、樞密宣

答云、得公等壽酒、與公等內外同慶、又再拜、教坊樂

作、接盞訖、跪起舞、蹈如儀、閣門官喝不該赴坐、官先

退、樞密喝羣臣升殿、閣門分引上公已下、合赴坐、官

升殿、第一盞宣視盞、送御酒、歌板色唱祝堯齡、賜百

官酒、罽策起舞三臺後此並、供進內鹹鼓、第二盞送御

酒、歌板起中腔、供進雜爆、第三盞歌板唱踏歌、供進

肉鮓、候內官起茶牀、樞密跪奏禮畢、羣臣降階、舞蹈

增補武林舊事 卷一 十六

拜退、此上壽大畧也、若錫宴節次、大率如夢華錄所

載、閱理宗朝禁中壽筵及排當樂次、可想承平之盛

觀

天基聖節排當樂次正月五日

樂奏夾鐘宮罽策起萬壽永無疆、引子王恩

上壽第一盞罽策起聖壽齊天樂、慢周潤

第二盞笛起帝壽昌、慢潘俊

第三盞笙起昇平樂、慢侯璋

第四盞方響起萬方寧、慢余勝

第五盞觥策起永遇樂楊茂  
第六盞笛起壽南山慢盧寧  
第七盞笙起戀春光慢任榮祖  
第八盞觥策起賞仙花慢王榮顯  
第九盞方響起碧牡丹慢彭先  
第十盞笛起上苑春慢胡寧  
第十一盞笙起慶壽樂慢侯璋  
第十二盞觥策起柳初新慢劉昌  
第十三盞諸部合萬壽無疆薄媚曲破

增補武林舊事

卷一

十七

初坐樂奏夷則宮觥策起上林春引子王榮顯

第一盞觥策起萬歲梁州曲破齊汝賢

舞頭豪後邁

舞尾范宗茂

第二盞觥策起聖壽永歌曲子陸恩顯

琵琶起捧瑤卮慢王榮祖

第三盞唱延壽長歌曲子李文慶

嵇琴起花稍月慢李松

第四盞玉軸琵琶獨彈正黃宮福壽永康寧俞

達

拍王良卿

鬻策起慶壽新周潤 進譚子笛哨潘俊

杖鼓朱堯卿 拍王良卿

進念致語等時和

伏以華樞紀節。瑤墀先五日之春。玉曆發祥。聖世啓  
千齡之運。歡騰薄海。慶溢大廷。恭惟

皇帝陛下。濬哲如堯。儉勤邁禹。躬行德化。躋民壽域  
之中。治洽泰和。措世春臺之上。

皇后殿下。道符坤順。位儷乾剛。宮闈資陰教之脩。海  
寓仰母儀之正。有德者必壽八十箇甲子。環周申命

增補武林舊事 卷一 十八

以下舊本失二十行

第九盞簫起縷金蟬慢傳昌寧

笙起託嬌鶯慢任榮祖

第十盞諸部合齊天樂曲破

再坐第一盞鬻策起慶芳春慢楊茂

笛起延壽慢潘後

第二盞箏起月中仙慢侯端

嵇琴起壽爐香慢李松

第三盞鬻策起慶簫韶慢王榮祖

笙起月明起花燈慢任榮祖

第四盞琵琶獨彈高雙調會羣仙

方響起玉京春慢余勝

雜劇何晏喜已下做楊飯斷送四時歡

第五盞諸部合老人星降黃龍曲破

第六盞觥策獨吹商角調筵前保壽樂

雜劇時和已下做四偌少年遊斷送賀時豐

第七盞鼓笛曲拜舞六么

弄傀儡踢架兒盧逢春

增補武林舊事

卷一

十九

第八盞簫獨吹雙聲調玉簫聲

第九盞諸部合無射宮碎錦梁州歌頭大曲

雜手藝永團圓趙喜

第十盞笛獨吹高手調慶千秋

第十一盞琵琶獨彈大呂調壽齊天

撮弄壽果放生姚潤

第十二盞諸部合萬壽興隆樂法曲

第十三盞方響獨打高宮惜春

傀儡舞鮑老

第十四盞箏琶方響合纏令神曲

第十五盞諸部合夷則羽六么

巧百戲趙喜

第十六盞管下獨吹無射商柳初春

第十七盞鼓板  
舞綰壽星姚潤

第十八盞諸部合梅花伊州

第十九盞笙獨吹正平調壽長春

傀儡羣仙會盧逢春

第二十盞觥策起萬花新曲破

增補武林舊事 卷一

二十

祇應人

都管

周朝清  
陸恩顯

雜劇色

吳師賢  
趙恩  
王太一  
朱旺豬頭兒

時和  
金寶  
俞慶  
何晏喜

沈定  
吳國賢  
王壽  
趙寧

胡寧  
鄭喜  
陸壽

歌板色

李文慶

拍板色

王良卿

張亨

謝用

簫色

傅昌寧

朱明復

李允信

箏色

陳儀

豪輔文

吳宣

豪俊賢

琵琶色

徐顯祖

張廣

增補武林舊事 卷一

二十一

王榮祖

俞達

豪俊民

豪俊邁

段繼祖

稽琴色

李松

侯端

孫民顯

笙色

侯璋

葉茂青

任榮祖

董茂

張瑾

潘寶

姚拱

范椿

孫昌

莫正

周珍

馬椿

姚舜臣

陳保

脣策色

齊汝賢

周潤

楊茂

王恩

王榮顯

姜師賢

劉昌

楊彬

王福

杜明

喻祥

周忠恕

夏福

徐珏

周喜

聞澄

沈壽

丁預

鄭亨

周佐

楊瑾

沈康

鄭聰

莫壽

潘顯祖

時潤

胡侑

周信

李圭

李閏

史顯

金壽

增補武林舊事 卷一

二十二

笛色

楊德茂

潘俊

盧寧

彭俊

賀昌

賀壽

胡師文

壽椿

姚寶

張茂祖

崔興

朱珍

張茂才

金貴

潘顯祖

沈壽

周興

李大用

董大有

金明

趙喜

莫及

張春

葉茂

胡寧

任顯

張椿

孫寧

彭進

李榮

全寧

金彥恭

董喜

王佑

來亨

王喜

顧和

顧松

金顯

董寧

杜松

李椿

張椿

何福

管思齊

朱喜

花椿

李拱辰

方響色

余勝

彭先

劉民和

黃桂

姜大亨

張榮

杖鼓色

朱堯卿

馮喜

時忠

施榮

增補武林舊事 卷一

二十三

朱拱辰

周忠

李顯

姚寶

葉茂

李榮祖

大鼓色

王喜

鄧珍

王宣

顧榮

舞旋色

范宗茂

內中上教

張明

倪椿

潘恩

石琇

張琳

弄傀儡

盧逢春等六人

雜手藝

姚潤等九人

女厮撲

張椿等十人

築毬軍

陸寶等二十四人

百戲

增補武林舊事 卷一

沈慶等六十四人

百禽鳴

胡福等二人

淳熙三年天申節先十日駕詣德壽宮進香并進奉銀五萬兩絹二千疋錢五萬貫度牒一百道綠匣二百箇上僉云臣某謹進令幕士安頓寢殿前候閣長移入殿上并鋪放進奉七寶金銀器皿等十二日皇后至宮進香排日皇太子太子妃并大內職典等進香至日卯時駕率皇后太子太子妃文武百官上壽

駕至小次降輦太上遣本宮提舉官傳旨減拜行禮  
上回奏上感聖恩容臣依儀上壽太上再命減十拜  
俟升殿皇帝起居踏舞如儀率皇后百官上酒樂作  
衛士山呼駕興入幄次少歇樂人再排立殿上降簾  
太上再坐太后率皇后太子妃上壽六宮次第起居  
禮畢退於右太上過寢殿進早膳太上宣吳郡王等  
官前來伴話上侍太上同往射廳看百戲依例宣賜  
仍入幄次少歇上遣閣長奏知太上午時正刻恭請  
駕赴德壽殿排當皇帝已下並簪花侍宴至第三盞

增補武林舊事

卷一

太上遣內侍請官家免花帽束帶卸上蓋衣又免皇  
后大冠皇太子穿執並謝恩訖太上泛賜皇太子壘  
金篋寶盤盞紫羅紫紗南北內互賜承應人日子錢  
主管禁衛官率禁衛等人於殿門謝恩少歇請太上  
至樂堂再坐教坊大使回正德進新製萬歲興龍樂  
曲破對舞各賜銀絹有差移燕清華看蟠松宮嬪五  
十人皆仙粧奏清樂進酒并衙前呈新藝約至五盞  
太上賜官裏御書急就章并金剛經官家亦進御書  
真草千文太上看了甚喜云大哥近來筆力甚進上

起謝同皇太子步至蟠松下看御書詩再入太上宣索翡翠鸚鵡盃官裏與皇后親捧盃進酒太上曰此是宣和間外國進到今以賜皇帝上謝恩時太上官家並已七八分醉遂率皇后太子謝恩升輦太上宣諭知省云官家已醉可一路小心看管知省等領旨還內來早上遣知省至宮恭問太上起居并奏欲親到宮謝恩太上就令提舉往問興居并免到宮行謝恩禮

西湖志

八月二十八日壽聖皇太后生辰先十日車駕過宮

增補武林舊事

卷一

先至太上處起居次入本殿進香皇后太子太子妃莊文太子妃張娘娘已下並進香起居至太上內書院進泛索遂奏安止還內十二日婉容到宮至西便門廊下先至太上處奏起居次入本殿進香諭雨免下堦起居太內進香十三日知省及大官到宮進香閣長就管押進奉銀絹度牒等并七寶金銀器皿比天申節減半官屬進香并設放壽星及神仙書畫等物隔簾奏喏免起居退次日皇太后宅親屬到宮進香并本宮人吏後苑宮屬作院使等臣節次進香二

十一日卯時、皇后先到宮、候駕至、到太上前殿起居。次至本宮殿、官家第一班、皇后第二班、太子并妃、第三班、各上壽。訖、太后宅親屬上壽、並同天申節儀。太上邀官裏至清心堂進泛索、值雨不呈戲、依例支賜。午刻奏辦、就本殿大堂、面北坐、官家花帽上蓋、皇后三釵頭冠、并賜簪花酒。至第五盞、免大衣、官裏便背兒赴坐、第七盞小。劉婉容進自製十色菊、千秋歲曲、破內人瓊瓊柔柔對舞。上於閣子庫支賜五兩數珠子、一號細色北段十疋。太后賜七寶花十枝、珠翠芙

增補武林舊事 卷一

蓉領緣一幅、又移坐靈芝殿、有木樨處進酒、次到至

樂堂再坐、更盡後還內、西湖志

十月二十二日、孝宗會慶聖節、車駕至太上外殿、起居簪花拜舞、進壽酒。太上回賜、次至太后殿行禮、乃從太上至後苑梅坡、看早梅、浣溪亭、看小春海棠、午至載忻堂排當、官裏換素帽。太后賜官裏女樂二十人、上再拜謝恩、教坊都管王喜等進新製會慶萬年薄媚曲、破對舞、並賜銀絹。太上以白玉桃盃賜上御酒、云學取老爺年紀。早早還京、上飲酒、再拜謝恩、三

盃後官家換背兒免拜。皇后換團冠背兒。太子免繫  
褱。再坐本宮御侍六人。並陞郡夫人。就賜誥謝恩。照  
例支散日子錢。太上又賜官裏玉酒器十件。壘珠嵌  
寶器一千兩。尅絲作金龍裝花軟套。閤子一副。侍宴  
官吳郡王以下。各賜金盤盞段。正薇露酒香茶等。是  
日官裏大醉。申後宣逍遙子入便門。升輦還內。西湖志  
淳熙十三年。光堯聖壽八十。肆赦推恩。蒙被甚廣。太  
學諸生。至於武學。皆得免文解一次。凡該此恩者。千  
二三百人。而宗子在學者。不預。諸人相率詣宰府。且

增補武林舊事 卷一

徧謁侍從臺諫。各納一劄子。敘述大旨。其要以爲德  
壽濡典。普天同慶。而玉牒支派。辱居膠庠。顧不獲與  
布衣書生等。竊譬之世俗。尊長生日。召會族姻。而本  
家子孫。不享杯酒。鬻炙外議。謂何。今厖鴻之澤。如此  
而宗學。乃不許廁名。於義於禮。恐爲未愜。是時諸公  
莫肯出首爲言。洪侍制邁。以侍講內宿。適蒙宣引。因  
出其紙以奏。仍爲敷陳。此輩所云尊長生日會客。而  
本家子弟不得坐。譬諭可謂明白。孝宗亦笑曰。甚是  
切當。有理。時所攜。只是白劄子。蒙徑付出施行。遂一

例免舉

洪邁容齋隨筆

德壽生日、每歲進奉有常數。一日忽減數項。德壽大怒。孝宗惶懼。召宰相虞允文語之。允文曰：「臣請見而解之。」孝宗曰：「朕立待卿回奏。」允文到宮上謁。德壽盛氣頃之曰：「朕老而不死，爲人所厭。」允文曰：「皇帝聖孝。本不欲如此罪。在小臣謂陛下聖壽無疆，生民膏血有限。減生民有限之膏血，益陛下無疆之聖壽。德壽大喜，酌以御醞一杯，因以金酒器賜之。允文回奏孝宗，孝宗大喜，酌酒賜金如德壽云。」

西湖志

增補武林舊事

卷一

四月初八日，謝太后壽崇節。初九日，度宗乾會節。賈似道命司封郎中黃銳致語，有一聯云：「聖母神子，萬壽無疆；亦萬壽無疆。」昨日，今朝一佛出世，又一佛出世。世人皆稱之。

西湖志

宣政極盛時，宮中以河陽花蠟燭，無香爲恨，遂用龍涎沉腦屑灌蠟燭，列兩行數百枝，焰光香滃，鈞天所無也。建炎紹興久不進此。韋太后旋鑾沙漠，復值稱壽。高宗極天下之養，用宣政故事，然僅列十數炬。太后陽若不聞，上至奉卮。白太后云：「此燭頗愜聖意否？」

太后曰爾爹爹時每夜常設數百枝賜諸人閣內亦然上因太后起更衣微謂憲聖曰如何比得爹爹時富貴

西湖志餘

孝宗御宇高宗在德壽光宗在青宮寧宗在平陽邸四世本支之盛亘古未有楊誠齋時爲宮僚賀光宗誕辰詩云祖堯父舜真千載禹子湯孫更一家讀者服其精切又云天意分明昌火德誕辰三世總丁年蓋高宗生於丁亥孝宗生於丁未光宗生於丁卯也丁年字出李陵書借用亦佳

羅大經鶴林玉露

增補武林舊事

卷一

三十

增補武林舊事卷之一終